

少傳野亭劉公遺藁

少傅野亭劉公遺藁卷之七

五言律詩

久旱和良佐韻三首

旱久人多病空餘愁歎聲廟堂雖詔赦官府尚科征未
變風雲態難知天地情年年叨肉食無補愧吾生

旱久人多病虛簷絕雨聲阜囊封肉奏白羽報西征旅
食蒼生困宵衣 聖主情詩成茅屋底牢落晚愁生

和良佐喜雨韻二首

空塔鳴點滴茅屋雜歌聲眉展失愁在租完謝吏征擁
衾今夜聽翹首半年情志喜詩盈卷知君太瘦生

隱几虛簷夜謳吟似病聲畢星占北望蒙雨憶東征神
亦憐民困天應答 聖情題詩非孟浪後樂是平生

賞內臣應制

一承掄選入宮死日趨隨多記先朝事嘗蒙列聖知賜
衣頒內殿宣旨下彤墀恩渥思圖報忠勤念匪移

雨中

雨中生百感偏感杜陵人絃管家家地瘡痍處處身虛
文懷講用實愧集朝紳金馬原何地長年強混真

擬御製戒諭親王

周道縣瓜陔文謨庇本支鴻休均曠蕩燕翼出艱危可
使驕奢念還從畫畝移式昭皇祖訓百代足師規

和李獻吉惠壽詩二首

隋侯遺寶氣神化入詩圓家法原長吉靈襟印謫仙四
章明皦日九轉續餘年誰擊鴻門斗瑤華瑩簡編

雲吞林光淨珠明水折圓詩中雄得虎拳下氣回仙不
愛鸞凰韻應憐犬馬年
星與皓月點綴野亭編

七言律詩

昌平宿諫議祠

學宮西畔拜公祠自掬寒流當酒卮
床榻且堪留我輩門墻更喜近先師
萬言空負匡時策四壁新題吊客詞
千古高風裨世教可將祀典缺明時

和賜戴煖耳

馬首寒聲落曉颼，九重新賜製貂辭。
泚清應碍巢由洗，風烈何妨禦寇騎。
豪客謾誇遮耳好，邊人正是裂膚時。
史臣自愧無封事，欲向君王獻此詩。

望雨詩成次日果雨再用前韻二首

廣宇萬人思帝澤，深宮一念霽天嚴。
周歌行見餘京坻，漢權何須築鐵塩。
昔見愁城圍社里，今聞樂土席窮簷。
甘霖隔日隨詩至，造化翻疑在筆尖。

賞雨屢移簷外坐，輓溪初歇隴邊車。
青枝低地梅垂子

白水連空稻吐花
詞客九重思獻頌
遠人千里喜還家
祇愁明日趨朝去
羸馬黃泥擁路叉

送謝鳴治先生南司成

太學自來師道重
文章暫輟講臣行
三千門下從多士
二十年前識舊名
故隱久留非我望
官階不次實輿情
東朝叟局存高榻
清夢時來更問兵

輓楊文懿

曾司書府白雲鄉
北斗携來下帝旁
立議自能裨典

誥論公當不止詞章身猶未老求田里人已多年望廟
堂浮世批糠應厭棄龍軼何處覓 先皇

送西安嚴太守宗哲

金城天府自關中五馬西來鼓角雄海內封疆推大郡
中朝人物借明公于今宵旰方圖化自古循良不尚功
臥治黃堂應有暇逢人無惜寄詩筒

送張學士先生赴南京

先生隨 詔起江村報 主榮親誼兩存四海共知名

獨重十年不出道彌尊手編麟史留金匱躬駕魚軒自
里門從此南垣山斗在謁書庭下日相屯

和良佐經筵侍講韻

講幃侵曉啓延英隔日詞臣已進名黃繖遙瞻雲作蓋
彤弓環侍玉爲檠雍熙要見群生壽啓沃惟須一語精
敬德自爲今日事未應章句効儒生

壽黃以文

九十才過又一年子孫福壽一身全名逃纓冕閑為貴

數近期願分亦仙奉 御會瞻 群聖表識人多是
六朝前秋堂雅頌鏗金玉不用臨風動管絃

題解組榮歸圖

報主酬知副所期蒼鬢才是六旬時人言解組年猶未
自謂歸山事已遲懶去折腰終有謂老仍知政欲何為
急流勇退渾無繫眼底斯人更有誰

壽丘閣老

進止知公與世關功成晚歲未為怪曲江相業朝廷上

八選集卷一
三
瓊海歸情水石間
史瓘綱維開後學
書分條目繼西山
白頭願共蒼生壽
常使君王一解顏

謝同年任太守寄雕漆筆

鏤管加毫截兔餘
多情絨致到吾廬
未供青瑣閑時用
畱取黃堂異政書
詩社拙工應愧我
文房巧藝獨憐渠
相看却咲前人事
夢裏生花總是虛

送蔣敬之乃兄考績還南海

清風吹馬去
鳧輕萬里南
歸識舊程海
國旌旗民吏望

玉堂燈火第多情天官報政初書取遷者觀風已薦名
荷旨還朝知未遠上林春底聽使鶯

寺中速僧一天赴飲

掬泉洗爵借幽房願得高僧一下堂但使六根渾不染
縱教長醉亦何妨且拋古佛書千卷來和騷人詩一囊
賓從風流真不忝攢眉未可咲塵忙

和石齋韻詩眉山吳都憲吳敞省舊方伯也二首

海岱民風攬纒看倦來持節獻朝班五湖歸去江山好

四序功成雲雨閑
汴水清波涵舊澤
峨眉明月憶公顏
廟堂剩有餘恩在
留付郎君伯仲間

使君駐馬萬人看
莘野宵聯候吏班
鎖印出城行縣治
肩輿過我借公閑
江湖長夜牽孤夢
几杖何時接舊顏
回覽高堂開畫錦
青城絕頂白雲間

定國宅恭覲 太祖御製神道碑

春日城西放步徐
上公別第駐回車
面山倚竹開宸宴
澤手焚香展御書
天地清寧居我輩
干戈險阻藉王餘

汾陽易宅條侯廢細數先臣盡不如

次涂殿撰送徐莘容韻奉寄繼臯王先生

白石清江著短衫相門休上謁書三名高天地窮猶達
道在蒼塋苦亦甘句讀豈宜童子訓文章合向古人談
鶴書行為蒼生起莫愛東山睡正酣

送陸進士爾還鄞

纔聽臚傳賜出身又承新詔問歸津
嬾將舊業干時宰却恐平生愧古人
冰玉才名今過晉陸楊家世昔稱鄞

還朝有約君須記
華發天台二月春

送馬汝礪赴廬州

幾年父子接鵷鷺
一日南舟告別難
自以直身多忤世
未因回祿始遷官
貫城次火凌春見
天馬行空照夜寒
愧我最知無刻薦
詩成傳與郡人看

賦得紅指甲戲呈良佐

金鳳凝香玉笋柔
啟簾猩色透瓊鈎
卷羅袖丹砂裹
聞卓瑤塔火齊
接把鏡月中紅
莖泣拂髮雲裏
曉星流

有時濯錦春江畔
數點蘼花趁水浮

和平甫詠竹

采玉窮探碧海寬
年來布種長琅玕
編簫雅入虞廷奏
截律能回蕪谷寒
涼影秋邊聞嘯詠
晚雲枝上結峰巒
憎憐一付東君意
肯學春花取世歡

秋日再遊景東暉方丈四首

霜豆風籬繞敗藤
題詩還憶往時曾
欲窮老衲三生話
更借空王四大乘
坐有良朋期日暮
酒無高價值秋登

黃花九日重來賞
夙約先留向主僧

徐步禪林謝杖藤
秋來遊賞幾番曾
百錢沽酒消閑日
三昧談詩悟上乘
解榻每延花下坐
歸鞍常傍月中登
棋聲時落風簷底
恐惱東隣入定僧

東林下馬坐秋藤
俗客常年到未曾
我道官閑皆

上賜人言心了
卽真乘每同老衲
樽前醉却咲空堂
飯後登當日遠公
招未赴于今詩酒
日尋僧

酒爐寒火熟
枯藤此地經行
幾度曾宿
稍每依龍樹坐

歸輿須過虎溪乘獨憐宦海開身在寧羨慈航彼岸登
自是年來遊賞救兒童也解識隣僧

送孟僉憲甘涼屯田

千里河湟落漢圖連營猶自駐兵符中朝馭虜期無戰
絕徼屯田亦用儒御璽光分天北極行臺遙控國西
隅他年未用呼庚癸廩庾陳紅積萬區

仲冬六日小介自家來三里舍荒落不可居

三十年來淹宦途良田相印總成誣弟兄分淺扶持鮮

父子官貧第宅無後樂未忘天下念安居翻失眼前圖
一枝棲息今何在却恐鷦鷯也咲吾

和王大理明仲赴同年燕

賜假恩宣玉展前同年燕啓值新年樽前對酒誰非客
天上分曹總是仙坐尾賓筵知齒後憂關人國有心先
看君自是平反手詩律精嚴寡和篇

觀戲

紅燭燒筵夜欲殘歌喉歷歷舞衣寬點粧未必當時事

謔浪聊供一座歡，今古何殊兒弄在。乾坤同是廣場觀，眼前真假粗叅透。醉裏隨人且咲看。

和韻送程學士先生入館

師席追趨近木天，兩公海內竝稱賢。密分黎燭聯清署，硯繞玄雲拂畫椽。十載荒蕪慚舊業，一時英俊喜真傳。玉堂不是蓬萊境，安得摳衣盡列仙。

輓塩山王冢宰

八十四年初謝榮，我知原不是貪名。謚乎臣主全終始。

身在朝廷繫重輕嘗為希
恩封內降每因入對乞
歸情一時八魚南陽老魚水交歡治業成

遊金山寺次高克明同守韻二首

江遠採幽巖月閑石蘿垂帶可行攀山橫碧落中心裏
節駐洪流萬頃間魚伺齋餘晴繞檻龍承法旨夜當關
詩情已放難拘束流水浮雲共往還

談空高閣見名僧曲磴行緣碧蘚鶴憶蓋參差巖下樹
龍虵起伏水邊藤江深頗覺塵心斷山遠猶誇目力勝

他日重遊應有在題詩吾且記先曾

和司馬繡衣韻書金山寺壁

峰巒硤斷清江截鯢裁鮪砌碧窓中有高僧拋世界
北來詞客駐旌幢乾坤大句誰能寫吳楚群山氣欲降
歸去驛樓孤月上不勝餘興對殘缸

再遊金山次馮海粟韻

奇觀却咲唇樓空上盡巉巖第一峰彷彿看山蓬島上
分明坐我水晶宮貝翻月屋香騰麝化滿春洲節馬龍

明日楚江浮使舫空王幡底借靈風

和李時雍病起

病起行參素牘舒替名殿陛似傳臚扇行分彩重瞻拜
弓影疑杯已破除伏枕祗緣憂國苦高吟聊藉檢方餘
朝來欲致登堂賀青刺裁霜手自書

冬至

故山一別將更歲重醉京華至日杯一線日長摧剝後
無私春自煖調來昂藏鬚髮空老磊落襟懷且放開

我有伶翁遺訓在等閑不受二豪猜

和朱益之述懷韻

年來頗覺壯心違
幕省常從薄暮歸
今古不禁雙眼白
乾坤同是一塵微
祖鞭小着聊隨世
雋窮探足瘞饑
君寵親恩俱在望
長鉞且放故山薇

送邵國賢提學江西

民曹簡授外臺榮
入楚經吳一駐旌
河洛圖中傳世業
簿書忙裏擅詩名
文章用世君何負
詞藻掄材士愈輕

千里輶車迎謁處
清江旋繞斗山橫

借居二首

虛名白髮浪沉浮
舊業歸來四壁秋
處世未諳三窟計
無家寧卹一身憂
途同逆旅何嘗定
居借宗人已預謀
惟是心田方寸在
百年要為子孫留

誰家彩棟迥連雲
我獨青氈稱舊貧
三世有官非炙手
一區無地可謀身
風前泛梗常擬客
枝底鷓鴣恐笑人
拖擔解鞍風雪裏
宗人堂上乞餘春

守王繼事

短袖青山負氣深時看匣劍縱豪塗未逢明主求賢詔
誰識白頭憂世心江夏才人惟補姓中書記得陳琳
濫位獻納稽稱薦顏愧應知自不禁

詠雪聯句和韻

春來管取好生涯天上瓊枝見著花望裏江山歸淨域
四山樓閣是詩衙披裘放馬酒初醒歸舍張燈興轉賒
欲養歡顏向寒士黃間大庇羈誰家

和遊西山世衡山庄二首

偶從郭外探奇幽，盡興還須數日遊。
誰遣風塵老吾輩，却將名勝寄僧流。
野開華胄山都占，泉湧龍王座欲浮。
何日與君謝名鞅，萬峰頂上駕雲游。

城外人家境趣幽，暫從休沐借觀遊。
屋頭十丈青山立，門外一溪春水流。
人對花枝羞鬢改，僧拋塵世悟生浮。
酒闌野老談前事，曾見宣皇駐道游。

內進元宵詩二首

龍燈鶴燭消彤闈沉火霏烟欲上衣萬疊樓臺紫瑞雲
九天星斗失寒輝昇平樂已同祥慶宵心常切萬幾
稱壽兩宮歡宴罷鸞輿不待夜深歸

深宮銀鑰夜初收彩仗華燈樂未休龍駕火山橫碧落
蜃噓陽海結紅樓願從慈壽稱歡慶豈是君王愛逸遊
聞說鰲峰最高處餘光遠照到邊頭

送姚英之提學廣右

詩書壇下柏霜淒周道還須漢法齊地接班行天咫尺

居聯萍水巷東西一經授士家相禪六典分曹國有稽
要看粵南桃李色春風駢馬下金堤

病中寫懷

伏枕秋窓再冷句寅階請客步艱辛自知已犯垂堂戒
悔不先醫未病身忍痛檢方思禁忌此心易地即經綸
愚臣一得因憂患便欲趨朝獻紫宸

和維立韻四首

謨烈編摩肇國初詔分曹局近東除廟堂自此餘成憲

丘索從前可廢書典則有貽稱制決江山進御繪圖舒
北來重秉鑿坡筆文懿遭逢恐未如

右進呈會典

昭代書成陋舊編儀曹宴啓樂初宣星環朝珮輝賓坐
海渴宮壺溢賜筵洽太平承盛典恩沾既醉續新篇
問安幾日稽陳謝候命霜墀鷺序聯

右錫宴禮部

冬來勿阻謁朝端歲首猶稽載八鑿輝冕遲趨二殿賀

貂璫疾報兩宮安瑞臨春勝選宜雪臥擁宵衣尚怯寒
歸院小臣情戀戀饒聞椒頰不成歡

右正旦朝回即事

吾皇天德等神堯獨秉精禮御治朝莫道上辛今改卜

何如數歲一親郊

前代或數年一郊

問安儀且稽壇禪

奏格心先徹斗杓行見屬車迎萬姓仰瞻龍準聽簫韶

右聞南郊改卜二月

賀李西涯壽日

同年雅集慶佳辰賜王文犀各在身黃閣代言周太保
明堂顧命漢元臣三台地切寰中望五緯光聯座上賓
我獻一言三壽具壽公壽國壽斯民

和秉德遊香山有懷

登臺一咲動高真塵夢何人喚未醒秋與詩懷千里闊
山隋故眼四時青乘閑縱賞歸逢暮無事成忙出戴星
謾道輞川稽病客神遊曾亦到池亭

擬御製戒諭親王

茅土承家啓宇寬祖宗鴻業自艱難
宮庭雅好惟書史
几席深憂伏宴安國有藩垣宗社重
人無愁苦朕心歡
剪桐紹取貽休在垂譽天潢定不刊

和仲湜寺中齋居有懷二首

拂塵西宇臥匡床夢入禪林尚未忘
技癢可堪基有禁
詩傳頗覺座生光孤雲壓被青綾薄
八駿行郊紫陌長
功德配天垂萬祀仰瞻高帝與文皇

蕭然文室獨支床戒共瞿曇百念忘
蔬筍供邊當世味

風雲披處挹宸光
祖宗上配鈞天近
民物均沾德意長
却咲武皇徒妄慕
祈靈太乙夜皇皇

奉天殿侍宴二首

卜士南郊總俊良
利成年谷祚綿長
闕禋恭入陶匏薦
餘惠叨霑此鬯香
隆準每瞻卅屐近
殊恩應倍北門光

宴制學士班四
品上真恩也

回看汾水秋風宴
千載令人咲武皇

玉趾郊旋六馭良
從臣傳旨賜筵長
宮壺雨露含春澤
金水魚龍識御香
第七車中承帝問
九重天上挹宸光

家卿舊擅鑿坡譽欲賦明堂吞聖皇

再和謝方石太夫人旌門韻

太傅孤孫繫念遙篝燈課讀未烟消
陟明方重斯文地
賜制兼收節婦條
詩采栢舟光下國
史遺彤管訝先朝
即着板蕩人安在
飛鳥餘音墮遠霄

送韓司空致政西歸

麟袍接跡覲軒裳
台斗回光照梓桑
白髮高公歌別調
清江為我繫離腸
瓊林賜燕春醲釃
汾水懷人路短

長酒有醉鄉詩有社一時付入白雲庄

和洪司寇春日遊雞鳴山

高塔臨湖試一攀漢家圖籍水雲間
咲憑欄外三生石俯視江南萬里山
登覽餘情分紫牘平反春意滿區寰
勝遊醉酒休嫌數北去官曹恐未閒

西臺獨酌和韻

種竹栽花映小堂時從官裡謝塵忙
高低禾黍千家野繚繞青山四面墻
金谷舊遊人可續玉堂賢坐價難量

清泉一脉分林麓，掬嗽餘酣沁齒涼。

雨中有懷龍山冢宰二首

孤鶴閑雲隔水湄，有時杖屨後相追。
身留廊廟遲歸計，心向林泉結暗期。
玉潤犀明春並駕，山青月白夜談詩。
十年往事如烟散，不用從前更費思。

越航小駐石城阿，叔度來遲奈若何。
正是眼前離思苦，可堪江上雨聲多。
知公假館無多路，賦我停雲第一歌。
明發澄波浮霽色，片帆如馬望中過。

瀛洲會詩呈諸公二首

中興雅會自青谿

先是瀛洲會廢數年今雨吾人續舊

題已萃八龍瀛海上尚留一鶴大江西

少司成羅允

廷應制春聯席漢閣分曹夜照黎壘酒拜

恩時北

面五雲

宮闕樹高低

玉署追隨英俊遊鴻泥今復在南州曼卿新是瀛洲主

宗伯重為大雅謀

是會馬公紫崖折簡作贊偶

便向清秋尋故事肯

教前輩擅風流太平觴咏皆

恩賜既醉歌餘愧報州

連日與楊司徒在齋和瀛洲韻七首

庭柯一葉點秋溪詩滿瀛洲信筆題興到百篇唐李白
氣雄橫稍漢征西詞章互答勞鉛槧冠蓋從遊謝杖藜
莫訝吟箋來徃數碧蘿相接省垣低

瀛洲浮海隔山溪海若移來要品題地券近從文苑下
詩壇遙制弱流西詞臣盛集陳豐野老旁觀植瘦藜
雅會序年承故事謾將身外論高低

雲淨秋空月印溪瀛洲壁上見新題詞臣八九偕吳下

詩興無邊自灑西神夢授君新彩筆宗人貽我舊青藜
良時雅會真奇絕醉倚鰲峰岬憤低

八客聯檣潞水溪相從來和王堂題五雲直在長安
北天塹交流建業西我輩藉恩豐飲宴豪胥稅野及
蒿藜酒闌一咲出門去滿耳寒蟬落日低

洗硯臨流墨漲溪晚來剛了醉中題長干燈火樓臺外
清夜星河閣道西詩向酒醒更舊草風乘秋早戰枯藜
瀛洲從此增高價貝闕珠宮便覺低

玉皇案更此歌遊衣惹爐香自
帝州公事無多隨筆
了閒情八九為詩謀九天斗柄恆朝闕百折江聲不改
流再歷崇階才越月白頭敢負壯心酬

茲來寧羨子長遊文物風光勝遠州魚稻足供詩社飲
江山雅稱野亭謀瀛洲煥采群星集金水浮紅一葉流
白髮吟哦消歲月君恩無地可為酬

和羅司成韻

司成標格竝高秋
鶴橫飛海上洲
垂範四門髦士聚

排闥三策 孝皇收離筵 詠日歌金縷 委珮朝天控玉
鈎 帝念周南承 慰問詞臣班 在殿東頭

和陳魯南壁間韻

涼雨霏霏草色邊 秋聲槭槭樹頭懸 物華到眼皆成句
世累能空即是禪 萬里江山尋故跡 兩人詩酒續新緣
虛堂落寘無人共 坐盡沉檀數縷烟

野亭閑詠二首寄石齋少師

老以舊業本耕農 歸取南村作隱翁 穿柳踏莎三里近

鳴雞吠犬數家同
蛟龍過雨深林黑
星斗回春野樹紅
多謝風光不相棄
尋常都入咲談中

每向南郊試課農
過從大半是村翁
歲年來往緣相久
禮法粗疎亦頗同
挹飲甕頭時破綠
判春花底咲批紅
太平風景林間樂
宴擬鳩搏九萬中

送李都憲巡撫蘇松

移節吳山泐水東
大河人仰舊旂幟
輿人頌入臺草裏
軍國謀分憲度中
百折流邊呈巨障
四聰聞處契

宸衷願言即詔巖廊上海宇蒼生渴望公

中秋臥病

林間八度中秋月對酒謳歌祇見三金粟影娥情自在
白頭老子意何堪詩多苦思槐邊就靜有殊功病裏諳
慰遣寂寥行可待紫朱黃菊共清酣

野亭閒詠二首寄楊少傅邃庵

名籍今來屬大農井田分業向鄰翁日當林下多紆緩
春與人間有異同蠶女載筐携練白龍祠列楮祝陳紅

輪蹄簫鼓鷄豚宴盡入黃鸝請喚中

右遊墅

碧蘚磯頭綠樹邊引孫携酒咲登船
林塘上有閑亭館野舫低藏小洞天
迥再三花外逕興狂欲九飲中仙
開頭換舵年來慣肯向頽波把棹偏

右泛池

贈東塘毛侍御

帝城旬日駐臺驂龍節重分入舊函
白簡九秋今注

水青天萬口又湖南挽將奎斗羅曾次控引豺狼借咲
談一代英雄百世望王生謾說是奇男

聞蛩

山亭一葉下寒暉無奈蛩音四繞闌戶擁霜華啼夜色
聲隨天籟幹秋機若聞古北當旋馭更道遼西未授衣
白首短檠方耿耿不堪鴻羽又南歸

聞玉欽佩擢河南憲副志喜

歲寒三友故情牽傾蓋林間續後先自詫相逢猶是夢

常嗟一見恐無緣
屣迎顧况親行曳
榻坐王維咲解懸
井轄欲投期未至
玉堂遙在五雲邊

庄上閑詠二首

立券新庄近出關
誅茅結屋兩三間
未因見葦多營產
自是詩翁夢買閑
花對東風開笑口
人憐春色破塵顏
西原掃罷携餘瀝
扶醉南庄薄暮還

自是林泉便野興
倦來小憩野人庄
買栽楊柳依閑地
勾引春風入小堂
刺史莫嫌驚四座
蘭亭何必賦流觴

十年奔走防行樂，今喜游優是故鄉。

寄人

台司可是楚人堪，隱社新開汴水南。
天與白頭貧賤在，士干清議死生乾。
公於代謝參通塞，誰向閑忙校苦甘。
秋水一篇常在手，更邀明月共玄談。

和人

直氣寧辭舉世尤，回看枚朔等侏儻。
塵縣潞國安車在，人擬沙隄故道修。
鄉社追遊希輩行，留都壽筵憶風流。

十年書斷長安使
咲對登江閱世浮

七旬自幸二首

塵網誰能咲
璧魚白頭何幸
賜安車古稀身際
芳春底閨積年成
七袞餘已向雙鴉
羞短髮更軫老馬
識前途
呻吟坐上
鸞肩竦未遣書生
習氣疎

直緣芳餌誤淵魚
鞭策休馳畏道車
世外閑身逢歲首
袖中詩卷稿春餘
嘔心樂聖昏緣性
鍾鼎山林自有途
旬日篇篇
嘉饒十數野
人生計未云疎

示兒元詞

世味甘辛我備嘗
膝前嚴訓托篇章
崔銅自拙平生計
忤視今餘百世芳
儒有素貧甘救水
士乖清議愧冠裳
教言在耳恒循省
管取繩繩奕葉光

和林待用都憲吊全節祠四首

中原故物自須還
北望愁雲鎖故關
三百年來宗社主
數千里外海洋間
斷鰲安地四維拆
謝豹啼春萬木斑
不腆胡兒問周鼎
英雄誰肯負奴顏

故眼隨雲北望還中華伊邇寸心關誰教碧海焚香地
不入黃龍痛飲間苦臆瀝殘精衛血難行啼換鷓鴣斑
腥羶牙頰談王伯千載令人咲伯顏

高陵廣宇夢中看嶺海間關去住難母子一舟形吊影
英雄千古怒衝冠颯風靡靡爐烟杳變雨昏昏戰血寒
翠壁丹崖神物護杜鵑聲底夜初殘

孤兒一眜眼中看萬里孤舟載國難九土戴恩思北面
幾人到死只南冠犬羊腥入華風慘龍鳳文霜水氣寒

但說波神今悔禍怒濤噴薄海山殘

和宋庶憲東郊值雨二首

一怒烟霞陰碧蘿
童時奉小車
過咲辭天上金
魚紫
博取林間笠
與簑短葛輕衫
花氣潤片雲
微雨晚涼多
千年喚起堯
夫老安樂
平分出舊窩

我屋南村隱
薜蘿無媒
逕路鮮經過
某在某水成
歸計
商雨商晴藉
短簑
麥闌
繭肥田事美
孫嬌翁壽咲
聲多
寓公別業東
郊外更擅
城中十二窩

寄馬紫崖亞卿

果州遙在錦川西，危棧清江一水迷。
白石四巖飛有鳥，紫崖萬壘陟無梯。
芸芳齋緘詩草，天遠鴻程感雪泥。
別路茫茫悲喜集，縱令疢叟亦難齊。

感舊懷人二首次王繼臯韻

黃金不貯胤囊空，菽藿盤中半世詩。
愁裏曹杜甫，六經家學晉王通。
不堪交好乖離思，翻怪朝簷誤野翁。
牛首鳳臺舊遊地，隨緘浮入汴流中。

世外高人眼界空詩壇交與半生同自甘中散人堪老
不恨文翁刺未通江左文章雙驥子東山雲水一詩翁
野亭坐上題絨至喚醒離懷夢寐中

和王繼臯北山漫興五首

四野蒼蒼一水陰朗吟時出萬山深
黃蘗短晷自朝暮碧草春風無古今
日月牖邊惟有易簞瓢巷裏底須琴
心如匪石髯如戟肯使傍人咲真尋

枕流結屋水環扉嬾作南溟九萬飛
日月欲延林下景

烟霞不染世間非，心無塵累山俱靜。
貧有風流水亦肥，近說巧多牛女拙。
人人家有一支機。

衡門安用萬金資，身在蓬蒿興在詩。
少室山人唐諫議，青檀家世晉羲之。
不將黼黻昭華袞，剩有文章映色絲。
曾向北山雷雨問，臥龍欲起定何時。

隆歿雙胛短衣遮，金石鏗鏘落齒牙。
雲裏野猿扶竹杖，膝前鳴鹿獻華花。
清風雅興曾陽並，逸興還同北海誇。

自古達人與高士，半歸流寓。

北山人半山家

矮簷深林靜日長閑來歌嘯醉來狂四簷野色供高枕
十里江流入茗觴蔓弁髻拋世累天孫雲錦作詩腸
麤繒大布山癯貌白眼人前看戲塲

聞馬良佐亞卿七十二歲猶誕子賦此戲之

南山歌續弄璋詩天與厓翁君有私娥綠欲專當
龍鍾強抱老生兒慶懸蓬矢棗弧日人過從心踰矩時
回首林亭堪一咲蕭然丈室等黃緇

聞宋憲使東郊避暑

遊輪豈獨為閑情欲慰田間病與惇八駿塵邊思道曷
舞雩壇上駐心旌垂羅門侶澄清地庇本花憐報主誠
謾用明翁誇靜勝寒冰苦蘗是平生

和再雨二首

天垂再造蒼群情潤澤枯黃起病惲政似溫公重入相
還同黃霸又迴旌命符龍海傳皆安排闔靈局藉一誠
欲向驕陽通問訊為誰消鑠為誰生

秋旅寒玉杜陵情一雨潛回百室惲夫上流雲隨御幄

江阜炎烈避霓旌
暝歸松色晚尤翠
紅入葵裏老更誠
數點輕溼簷溜下
但將空覺悟浮生

和宋憲使畫壁四題韻八首

雲炤紛紛狼虎秦
百年高識豈無人
鸞巢自許林巢別
鹿馬曾驚世事新
黑白盤中誇獨見
青黃樽外占長春
流芳有在儀刑遠
珍重良工為寫真

漢宮秘計下山中
猶是圮橋進履風
帝璽戾章中壺出
猿愁雀怨一時同
自卑碧落鸞凰志
却愛青儲羽翼功

深夜孤燈對遺史為公惋惜浩無窮

右四路圍棊

囊琴懷古意焚如誰與晨星懣索居巖下遺音今欲絕
耳邊俗調正難祛風塵良寤期安在江海同人恨未紓
石逕蘚橋雙足倦暝鴉啼野夕陽初

知音隔絕恨如山夢裏江湖鏡裏顏恥向調中聞北鄙
欲從意外聽陽關同人入望雲將暮一話難期草共班
命古遭逢真不易晨星落落水潏潏

右携琴訪友

玉堂仙侶駕雲遨，賓主東南拾譽髦。
籍不知明月上，倚歌時見海天高。
詩成卷帙藏三楚，氣壓江山等二豪。
千載老瞞應化鶴，一聲孤唳下亭臯。

壺觴今是兩番來，四壁塗朱面面開。
地接三江誇勝境，世傳兩賦出天才。
戰區今雨陳歡宴，秋火千年變劫灰。
珍重坡仙歌咲底，却將殘壘化春臺。

右子瞻赤壁

天地遙遙白髮翁百年甘老釣磯中
投竿清泚驚鯨浪把棹狂瀾失颶風
避世自安生事拙忍貧始信丈夫雄
得魚貰酒團圞坐一咲茅茨婦子同

傍人莫咲是癡翁涇渭分明在眼中
青箬笠高擎露背綠苔磯穩占光風
鱗潛每詫魚為婢龍化能令劍作雄
四海茫茫饒釣客一時標致幾人同

右寒江獨釣

中秋請賀客免顧呈宋使二晉

宴榻陳來占翠陰
蟾光秋色競蕭森
六旬方見引年退
十度俄經誕日臨
有約不來嘉客散
無多酌我小孫斟
嫦娥亦解憐
長朽碧海青天夜夜心

謝客柴門掩夕陰
維摩榻畔露華森
七旬行與白頭會
初度叨逢令節臨
孤矢在觀珍故物
瓶罌入御罷孤斟
幸存一匕延生劑
九轉還丹是寸心

大行皇帝哀辭和魯南韻二首

千古橋陵舊冢開
斷齏無力挽天回
三邊曾納戎王款

九廟親伴漢渾來，泪竭華夷枯海濱。
神遊冥漠馭風雷，十年講幄叨清顧。
白首荒山不盡哀。

誤向仙班咲口開，鼎成仍覓舊程迴。
雲中見說巡遊慣，林下曾傳警蹕來。
龍衣日邊扶泰運，馬蹄天上化驚雷。
歌聲欲附攀髯去，字字中藏萬姓哀。

新聖嗣位和魯南韻二首

八荒雷動騎雲飛，楚分天潢潤太微。
慈靈鳳音登日馭，荆湖龍氣結春輝。
長安喜意生鶉結，內殿書聲出

袞衣炎海不波風雨若粵人拜
賜指南歸

芒碭雲移湖上飛
興藩天已北機微
紫垣帝座占

星潤赤土堯堦映日輝
漢相曲躬親獻綬
文皇三讓

始更衣
黃虞天統蒼姬錄我
后携從大楚歸

七旬自壽

有引

拙翁生於景泰壬申
舉於成化甲午
歸於正德辛未
至是而曠菴之齒及七旬矣
明年為

新天子紀元嘉靖
首歲自茲以往
所得餘年又不知幾也

五朝 六聖涵毓厚恩而癡頑一老得苟完於百年之內
歌此自慶

汲水長河濯隱衣松筠主管舊門扉不謀妻子求先退
每荷 君王未許歸何幸七旬今日是回慙六十九年
非 五朝 六聖息天地答報曾無一線微

謝李副憲壽詩和韻

詩緘及蚤下賓筵便覺中秋月滿天鐵網掇珠驪額底
銀鈎摘彩桂宮前望塵敢擬惟賢後憂世應慚范老先

珍重空同饒歌頌明翁家世本神仙

和謝少傅木齋韻三首

舊路新沙蔓草生
遙遙鴻渚滯迴旌
龍門禹穴閑中寂
白日黃雞別後情
秋海潛靈毒的的
春山含雨氣蒼蒼
東岩故物遺墩在
拂蘚危襟看月明

未將加額慰蒼生
薦剡紛紜曠旌旌
蘇軾奇才先帝賞
溫公再起萬人情
三千士仰臚傳晉
五百年生間世英
山靜夜良天宇碧
中台遙映斗杓明

詔下存問二首

朱旗閃日綵幡飛
扶掖郊迎愧力微
五緯麗空雲爛爛
六龍行壘氣輝輝
炯霞巖畔垂清問
天日光中識袞衣
十載寸丹藏救澤
題封拜上使輪歸

白頭伏路詔黃飛
芹曝將誠謝悃微
敗鼓自知非籠物
赤厓妄擬蘊山輝
四朝恩作山林主
五色光浮苜蓿衣
他日龍章恭藉手
松楸隴下告金歸

和楊介夫寄詩韻二首

築沙公有黑頭年問舍人歸幸苟延林下一廬叨樂土
天涯千里閣心田勞生三業囊無藥哲老先聲杖與傳
四七同袍鴻與雪衰翁何事不凄然

邁隙駒邊閱小年黃鸝三四費招延幸餘歡伯如繩酒
還却更兒種秫田相業世增華衣耀文章蚤擅色絲傳
鹿麕境畔聞行履空谷人應一輟然

和林待用奉陪郊祀二首

八方靈馭轡如琴五嶽青青海濟深和璧登壇孤月皎

周廬布野萬星臨仰空風物占天意箕枕蓍夷藉聖心
禮典欲超三代上石渠故事更追尋

萬里春臺出舜琴君門誰謂九重深周情農畝猶躬履
守默淵衷有帝臨三五回光隨六馭穹隆報歲谷群心
先皇手植依神木龍幹虬柯翠萬尋

勉孫存息

嬌孫舉酒獻秋筵試把常言入訓篇五性尋倫能踐履
百年福壽定綿延先公德澤饒餘澤爾輩心天即上天

我有沙堤近龍尾提携付汝世相傳

病枕別石齋少師暨三閣老喬太宰楊敷元二曾

情篤鴛原等弟兄此生未了上他生山川靈爽還元化
江海波流入舊情名忝丈夫徒落落死為靈鬼定英英
莫嫌蚓竅非詩案行馬門前續世盟

何地非家非弟兄有生誰解自無生蚤知臭腐即安土

誤黜聰明入幻情未把諫苑陳衛牘敢將苦口上延

英樂天仙館今虛左許我來尋海上盟

聯句附

二月三十日楊廷俊馬良佐過訪小酌聯句十首

下馬庭除一咲頻相看俱是舊雷陳杯盤狼藉難留客

馬詩句清新似逼人樂酒未嫌衫袖濕楊放歌髮易燭

花新留連深夜君休厭眼底桃花又是春楊

眼底桃花又是春楊曲江曾記舊遊人十年往事如流

水馬百歲光陰咲轉輪邂逅開樽應有數劉從容覓句

莫辭頻明朝更許商隣約馬聊避匆匆車馬塵楊

聊避匆匆車馬塵

楊

燒燈同醉草堂春詩壇更續前年

約文苑聊潛百歲身

劉

玉兔光翻輪載月銅龍聲盡海

生津

楊

良宵雅會誰能識

劉

紹勝輕肥得意人

馬

一醉相扳是偶然

劉

官閑不減橘中仙詩成初上山前

月

馬

漏滴遙疑樹杪泉天地三人真雅會

劉

江湖萬里

正豐年盤飧聊取樽前足

楊

堪笑何人食萬錢

劉

野亭聊為一樽留

劉

燭暗吟殘尚未休淺量每緣知己

醉

馬

短章聊為故人酬王張有夢應相憶

劉

管鮑多情

亦未接獨念盤飧真草具馬貧家幸爾不須尤劉

清宵詩景屬三人馬正是長安二月春天外玉繩低繡

戶楊席前紅燭照輕輪臨軒呼酒詩喉燥劉隔坐裁闕

樂意真分付兒童休惱客馬青芻白飯愧家貧劉

野簌香醪此會奇馬夜深猶自駐金羈畢逋任取東方

曙楊河漢遙從闕下移擁鼻微吟如病態劉放情高論

縱愁眉人生莫遣韶光去楊明日重來醉已遲馬

醉裏新詩到夜殘楊高堂猶自覺春寒時平已緩金吾

禁馬交契難忘玉署歡嘉客不嫌留草具劉僕夫頻欲

促雕鞍東隣明日如相問馬不惜珠璣為借看劉

青眼相看是故知馬興濃偏是怕分携催朝已報東隣

漏揚送曉將聞別院雞玉署他年尋故事劉華堂今夜

富新題邀歡莫厭時時飲馬要遣齋中得喪齊劉

一刻千金此夜良馬蓬門車馬倍生光百年莫惜樽前

醉劉萬舞誰嫌酒後狂花散好香春欲盡揚燭更殘跋

月初揚相逢再續詩壇約劉燃斷鬢也不妨馬

七言排律

御溝和元人虞伯生韻

臨渠若欲究源初，天上分流護帝居。
鼓世無聲時落雁，投綸有禁不驚魚。
垂衣求治巡遊少，鳴玉回朝引步徐。
波漾日光通殿戶，藻流春色映袍裾。
萬年青竦欄邊樹，五色雲鋪水面藻。
他日歸班照容鬢，橫簪蒼雪獨慚予。

城西書舍爲羅少叅緝熙題

結茅何處謝輪蹄
地上長沙一舍西
圍戶秋容山遠近
啓窓春雨樹高低
刺投俗侶經門少
銘取前修隔座題
萬卷鑽研同宿蠹
一檠長短伴晨雞
鄴侯架上星聯軸
劉向談邊夜照藜
白璧自需傾國價
青雲謀取救身梯
氣吞楚澤填膺溢
句挽湘流入袖携
教悔迹憐諸葛竝
構堂名與杜陵齊
看花一自故山別
泛葉常從夢境迷
短褐聲聞霄漢遠
衡門書劔廟堂躋
天閣北叩瞻莖袞
諫院南除奉紫泥
出國載參藩內議
封詞曾駁御前

大遺稿卷上
批三冬夙負能禪世十里新沙遲築堤至味即看收鼎
窮苦心誰信自塩齏九重有待酬深眷一室爲能戀
故棲後樂先憂善事在須將此意慰黔黎

和耆英會韻

百拜且教從殺禮數行還可命長鬚解還簪紱先人退
乞取光陰爲老娛廊廟山林諧志願紵袍相袞略精龕
塵談洛社吾生後詔對延英帝遣扶觸事未能忘國慮
因衰詎肯作身圖青山白水閑收管此外胷中一物無

元夕

紫禁烟清霽色融
留都宮闕漢新豐
臺觴有暇探春蚤
燈火多情入夜紅
朱雀縱觀雙轂竝
金吾弛禁九衢通
流年感我天涯客
樂歲憐渠陌上童
憶賜金蓮輝苑月
咲看銀樹颭東風
一時民物謳歌底
千里江山鎖鑰中
座擁貂蟬開賀燕
席聯簪組訝人龍
良宵佳會真難得
詩滿瑤箋酒滿鐘

傅野亭劉公遺藁卷之七終

少傅野亭劉公遺藁卷之八

五言絕句

擬 御製戒諭親王

邦典宗盟重藩封禮秩祭能知爲善樂誰是漢東平

晉陽采薇圖

卷我叩馬詞即彼西山老誰謂采薇饑心安至今飽

塘螂捕蟬

怒臂橫行轍窺蟬繞豔枝老嫗食縱未足黃雀也須知

雨中感懷以直憂如草雨中生為韻七言

十髮台三五行年忽半百百歲是修途已是中途客

我非廟廊器求懷廊廟憂恐君猶未信請看頭上頭

昨日少年面今朝渾不如攬鏡忽相對驚問是誰歟

有椿號嘉木有芝稱瑞草我非草木儻百年莫空老

鳳鳴一化原多寡不相伍寡者恒欲無多者乃如雨

下石入陷阱已落心中害人禍易盡善心禍難窮

一忙今古困一名今古衰顏與白髮暗向此中生

醉中狂書寄待用二晉

醉中題封乘酒賦此十年萬金之價尋常輩一
得之狂納之棄之一笑

百尺最高竿上難下亦難此番重上去珍重萬人看
鮎魚愁上竿能引不知難今在高頭立須從下面看
六言絕句

和春暮七首

塵事隨人不管春光最我先知他日東皇封禪燕然勒

我新詩

叟隱高情獨占名場塵土誰知眼底十分春色袖中幾

卷新詩

春去春來不管化開花落那知日午小窓睡起信情改
抹新詩

當時金谷風光今日平泉天氣暗中盈縮何常試問燕
鶯知未

去年曾見開花無限遊蜂競賞于今飛過別枝空惜東

皇何往

已看春色何多莫惜掌杯重覆
隔林好鳥多情但聽
穀布穀

樹頭剪絲飛殘枝上黃鸝
莫打多情不放春歸
獨宿牡丹花下

七言絕句

史餘漫興

花漏深沉日正長
好風吹過殿頭香
脩餘禮史應無事

閑聽西朝教小王

松亭訪友

烟水茫茫兩岸青
晚涼人在萬松亭
山中地迥知音少
曳杖閒來講道經

和東坡山村五絕

秋林社散日初斜
破笠風情捕草花
一曲山歌半羞字
行人笑是野人家

繭成蠶老聽車聲
麥已抽芒稻已生
猶有豆田三十頃

月明半夜促兒耕

田家事業在鋤鎌
輸却官租賺亦甜
昨日朱陳談好事
束薪西市易茶塩

銀黃珪組自匆匆
老我山城酒不空
自有兒孫應官府
翻疑名漏版圖中

籠頭破帽不知羞
女嫁男婚百不愁
西崦東村行樂遍
貴人誰似我優游

雨後閑寫二首

禾黍才看一雨足
閭閻便覺萬家歡
五俸肉食愧無補
穩睡青氈夢亦安

昨夜天邊一雨來
便看生意變枯荑
腐儒不解農桑慮
獨喜盆榴落又開

盆榴將枯復生二首

枯枝生意雨中還
旋繞盆池盡日看
若也愛民如愛爾
定教國本萬年安

昨夜踈窓一雨過
小榴紅綠滿柔柯
我情豈獨為花惜

為惜郊原生意多

春草圖二首

農畝鋤來太恨生
吟窓坐對是餘清
託根好惡緣渠事
非是東風兩樣情

曾看指佞扶元化
不學迎涼媚主人
吹盡疾風元不動
草中亦自有忠臣

四季村田樂四首

茅堂低小開春宴
野調山歌悅醉顏
天子仁明官府好

却推此樂到田間

右春

今年蠶事比常多，
慰勞何人載酒過。
牛背老翁歸鴈客，
却留兒輩督栽禾。

右夏

秋場新穀遠輸倉，
免使田官下縣堂。
萬縷尚餘機上帛，
玄黃還擬製公裳。

右秋

北隣賀酒接門屏，
剪燭祠前欲乞靈。
迎取新人牛背至，
願教爲國蚤添丁。

右冬

內進元宵詩八首

千峰寶炬失春寒，海渴銅龍未闌慈。聖壽靡天下，樂
九重，羸取萬年歡。

元宵况復太平時，共嘉君王賞宴宜。一念憂勤關四海，
此情寧有外人知。

太乙祈靈陋漢風，上元遺俗古今同。君王崇孝排淫祀，
移取熬燈壽兩宮。

銀花火樹集天墀，劇進魚龍伎亦奇。天欲吾皇延宴賞，
故教明月下遲遲。

寶月華燈繞殿廊

九重歡進萬年觴東風似解同仁意吹送笙歌出禁墻
郊禋初洽慶成歡星斗光移綵炬寒瓊喜不緣元夜好
兩宮康豫萬民安

燈火樓前進壽觴

九重歡豫萬民康好將海水添宮漏一夜還如一歲長
寶燈華月麗層霄萬歲君王樂事饒願取普天同至治
歡情常得似元宵

絕筆二晉示姪尚禮

百歲我猶生氣在眼中不見孔方親貪痴顏面如塵土
抱愧常如地下人

老病六旬無起日不才猶是舊宗親誰家父子戕名教
地下人間共死人

大禹泣辜圖二晉

此下求史絕句

唐虞去世尚無多比屋高風已漸訛若使君王見今日
下車垂泣更如何

川行奠土識民情
哀感膏靡涕泣橫
一自車邊揮救後
泪痕多是在蒼生

傳巖

枕上鬢眉見儼然
詔歸果是夢中賢
一從物色斯人後
可惜丹青更不傳

讀史

孰奸孰佞孰忠賢
諛墓文成亦浪傳
盧李眼前人不識
陳編况是百千年

程嬰公孫杵

死中攘取趙兒還日月精誠鐵石肝今古托孤雖兩兒
霍光容易三公難

伯陽

爭雄欲占萬人先方自睢盱退步觀今自何人竊餘緒
散車羸馬釣高官

魯定公

栖栖只傍定哀遊宗國人人戀管丘一旅一夫思用魯

龜蒙竟故東周

儀秦

天遣儀秦作敗妖黃金珠璧壯行鑣口中有古知多大
一鼓風生六國搖

屈原二管

兩世讒昌嘆不逢汨羅清泚照孤忠願將一死昭心事
萬一君王感悟中

何事甘心向楚淵馮夷避舍借宮殿乘龍欲上鈞天所

却把讒夫請帝前

長平

在今山西高平縣西北二十里

秦坑冤鬼哭聲啾
括死聊紆戰士憂
合白沙場萬白骨
却持露布請封侯

博浪沙

在今河南開封府陽武縣

袖裏金椎恨未償
副車不遣祖龍亡
冥冥誰識維皇意
不愛秦王愛漢王

圮橋進履圖

公子橋邊進履初
兩人勢分本來踈
安知不是韓先世
得請鈞天授此書

讀漢高紀

杯羹不卹爲親災
縞素輪蹄亦僞哀
三百廟謀多雜霸
死人知是此中來

田橫墓

哀哀主客竟無還
南面曾同伯仲間
恨殺漢皇真小隘
不將海島作商顏

四皓二首

拋却芝叢覆却基下山已蚤赴山遲白頭閒管人間事
不怕商顏為勒移

欲海情瀾國是傾无謀端合矣良平晚來一著直派注
却使仙翁敗隱名

張子房

當年留下值黃翁漢業全收隻履中何事耕莘人室邇
不從犁下拜高風

讀紀信傳

假漢梁西真漢東君臣大義死生中如何他日題雲閣
却使蕭何第一功

和親二晉

白登七日夢魂驚却飾宮粧慰虜情肉食將軍空百萬
只輸婁敬解逢迎

通姻讎虜汗天常作備遺羞嘆漢皇謾道胡兒解翁婿
吳園亦有抱心傷

賈生

使者南來布詔宣湘流人已息
塵緣守言絲灌諸朝賈
不是洛陽前少年

李廣二晉

世言飛將失封城好戰從來損好生
眼底骨骸百千萬
今人却取博簪纓

文武難諧世主謀數奇人亦罷封侯
他時地下逢真四馬
共對穹蒼嘆白頭

公孫弘

相府平津亦浪開
未嘗虛席見遺才
不如披豁靈臺地
自有周公入夢來

漢武帝二晉

武皇多慾在膏肓
西域東溟等病狂
晚到輪臺方小愈
越人已失汲淮陽

生與神君密意通
茂陵夜幸入行宮
縱教五利園丹驗

亦住仙家欲界中

長陵女子號神君帝欲與通
帝死葬茂陵尤夜幸宮人

元帝

何緣乃鋸秉機樞不斷優柔位亦虛
三百次光遭禍水無人知是獲霜初

薛廣德

千載猶誇漢有臣欲將頸血澣車輪
穆王八駿荒忘返敢諫何嘗見一人

孔光

關里雲仍漢重臣不慙千載汗朝紳
含羞每下無須拜

不道于今更有人

叱馭庵

由來孝子亦忠臣
有庭闈外使輪
着向風塵立斷畏道
皇華四牡是何人

子陵釣臺

子陵姓嚴名光

龍衮羊裘各自安
帝星增耀客星寒
青磯白石千方丈
却是人間小杏壇

韓歆

欲致中興棄直臣能旌拆檻是何人玄纁數尺詔一紙
笑殺嚴陵在富春

張綱

氣吞跋扈太山摧若擬批鱗勢更危何處噤鳥仍攫肉
上林還占最高枝

讀史漫題

李唐掣肘河南北炎漢攢眉薰腐奴武帝太宗嘗馭秘
不知此輩有還無

西園

嘉木陰陰翳
蒼垣西園非
蓋夜忘還賦
餘試向枝頭
看黃雀螳螂
次第間

銅雀臺

建安今已入
黃初漢物猶
存漢業虛泪
盡孤兒成硯
滴欲從典午
寫降書

張華

華之子也

韋郎少小識
蒼穹誰謂華
翁縉象工泪
沒利名眸子
蘭

中台不見見司空

周處臺

一劍能揮百里艾
緇衣却上讀書臺
長蛟白額今塵海
安得周郎一再來

后趙

石勒有國之號

鼓吹何從落海鄉
荏平傭主識非常
胡兒粗解君人術
治道原來似牧羊

勒曾為荏平人牧羊

讀汝南遺事

清談遺禍海波深萬里神州竟陸沉縱是祖生能擊楫
望洋何處可追尋

萃林園

在臺城內

勸酒長星把醉觥倚風時復聽蛙鳴公私不爲鳴何事
端爲蒼生乞肉羹

淵明歸去圖

王裒遷坐爲親嗟公向編年寓意賅試問五朝十一帝
不知甲子起誰家

同泰寺

同泰遺基今又新
回看金鷲等飛塵
捨身誰驗蕭梁轍
却把脂膏捨萬民

題玉臺集

月露風雲縱使工
廟謨士習損彫重
欲驅五代趨三代
誰是當年六一翁

讀隋遺事

陳宮滿目黍離哀
結綺臨春盡草萊
回首隋宮亦荒圃

揚梅枯苑李花開

明皇擊毬圖

我勸韓公諫且休多言不是幾頭謀
范陽場上逢盧李
蹂躪神州等一毬

段太尉廟

太尉遺功血食秦家戒一笏尚如新
糶糊額血猶塗頰
留與他時示叛臣

平泉莊

後缺